



MASHTEN UTIPATSHIMUNA REGROUPEMENT PETAPAN

Ute utat tatu-pishimua mitsheti tipatshimuna unuipanitanat nutim anitshenat « Premières Nations » ka natapishtuht Canada tshishe-utshimaua.

Apatan tshi tshissenitamushk^u e ussi-nishtuapatakanit kie tshe ueuetinakanikau innuat utipenitamunuaa, kie, eukuan nana epishiminishkueu 2018 e punipanit e mashinaitshenanat ka ishi-pimutenanau ueshkat e natapishtuht tshishe-utshimau anitshenat « Premières Nations ».

Eshpish mamishkutshpanit tshiekuan ekue takuat tshi natshishkuatau e nishtuht innu-utshimauat nenua pitau-utshimashkuessa Carolyn Bennett, nana 3 e tshishtuakanit nissi-pishimua nete Uashat. Nana netshishkatinanau, innu-utshimauat passiku uauitamupan tanite piapannanau e natapishtatinanau mak tan tshe aitananau tshi utitaikanit tshe mashinatutaishinanau tshishe-utshimau utapuetatishun tshinanau eshi-pakushenitamuk^u, kie e tshinipikakanit. Apatan tshe ishi-atussenanau ute nikan. Mekuau e minupanit shienak tshishtukannu Ottawa tshishe-utshimau tshi minupanitunanau tshe ui tshishtapanitakanit tshishe-utshimau tapuetatishun.

Aishkat ute tatuminashtakana, tshika katshitineu mashinaikan uatakanit ka takuapekashtakanihk neni 23 e tatipananit tshishe-utshimau tapuetatishun mashinaikan ume mekuat ka-atusseshtkanua. Apu tshi uauitakanihk anite mekuat etashtet, ne muk^u etshi uitakanit tshika uitamakunau. Aishku minuat tshe uaunuipanitakanit tipatshimun.

Anitshenat ka mamu-atusseht (Regroupement Petapan) mak anitshenat ka mamu-atusseht anite tatipan innu-assia ka natapishtatinanau ushkuiht e atusseshtat tshi ui utitaikanit, kie mamu tshika tshamatananau tshinanau eshi-uapamatishuiak^u, tshinanau eshi-ishpitenitamuk^u.

Tshi tshissiumitunan, ne Regroupement Petapan minikupan e nishtunit Premières Nations Essipit, Mashteuiatsh mak Nutashkuan tshi natapitau e ui nishtutatinanau ne tshishe-utshimau tapuetatishun.

Tshima minu-shikuanishiek^u kassinu etashiek^u!

Le Regroupement Petapan

USSI-NISHTUAPATAKANU MAK TSHE UEUETINAKANIKAU INNUAT UTIPENITAMUNUAUA

Katshi nana patshitinak utaimun nana 14 epishiminishkueu 2018 nenikan tekuaitshtet Ottawa tshishe-utshimat Justin Trudeau uitamupan **tshe ussi-nishtuapatakanniti**

utipenitamunuaa innuat mak tshe ueuetinakaniti, anitshenat Essipit, Natashkuan mak Mashteuiatsh uishamakanipanat tshi minuat natshishkuatau pitau-utshimashkuessa Carolyn Bennett, nana 3 e tshishtuakanit nissi-pishimua nete Uashat katshi apita-tshishikanit.

Nenua ekue uauitamupanat tan eshi-uapatakanit ne eshi-ussi-nishtuapatakanit. Tshishe-utshimau tshipa minuenitam^u shash unakaputakannit eshk^u tshatshipanit ume pipun 2018.





ESHI-MISHKUTSHIPANIT E UITSHIENANUT SHUNIATAT E ATUSSESHTAKANIT KA NATAPISHTATINANUT

Eukuan Ottawa tshishe-utshimau ka uitak tshe ishi-uitshiuet shuniatat nana 27 epishimishkueu kie uatak eshi-mishkutshipanitat tshe ishpish uitshiuet shuniatat e atusseshtakanit ka natapishtatinanut. Anutshish apu tshikut mashinaimuaishk^u tshishe-utshimau tshe ishpish pitutepanitat shunianu e atusseshtakanit e natapishtatinanut ume utitaikanit 1 e tshishtuakanit nissi-pishim^u 2018. Ek^u ume nana ka ishpish pet mashinaitshenanut nishtunnu pipuna ashu patetat ishpish, tshika uauitakanu tan tshe ishi-atusseshtakanit ne ka mashinaitshenanut. Eku nana ne tshishe-utshimau ka uitak tshe ishi-uauitshiuet issishuepan :

Tshishe-utshimau tshika natau-tshissenimeu innua tan tshipa anu ishi-minupaniueu nana ka ishpish aiuiashinanut kashikat mak pet utat kie tshipa tshi ishinakuan tshetshi eka pikushinaitshenanut.

Anite natshi-uapatamuk^u www.petapan.ca

Innu takuaikan-mashinaikan

Takuat tshishe-utshimau-tapuetatishun kie tshika ishinakuan tshi takuat innu takuaikan-mashinaikan. Anite Innu takuaikan-mashinaikanit tshika uitakanu eshi-pimutaitishht innuat mak tshe ishi-tshiminitishut tshishe-utshimau anite utakuaimatun.

Nakatuenuitetau tshe ishi-atussehk papeik^u innu-assia nenu innu takuaikan-mashinaikannu kie tshika natapishtakunau tshe ui mashinaikanashtakanit. Eshk^u eka mashinatutaishunanut tshishe-utshimau tapuetatishun pitama tshika mashinatutaishinanu innu-takuaikan mashinaikan anite papeik^u innu-assia.



info@petapan.ca

1487 rue Ouiatchouan
Mashteuiatsh Qc
G0W 2H0